

Landesbibliothek Oldenburg

Digitalisierung von Drucken

**Sebastiani Castellionis Sacrorvm Dialogorum Libri
Qvatvor, Qvos Postremo Ipse Recognovit: Argvmenta
Singvlis Dialogis Praeposvit, Et Sententias Svbiecit ...**

Châteillon, Sébastien

Francofurti, 1761

VD18 12886300

Cainvs.

urn:nbn:de:gbv:45:1-18303

ut id g) conterat tibi caput, tu autem ei calcem. Te quoque fœmina afficiam plurimis doloribus & ærumnis, ut cum dolor parias, & tota pendeas ex imperio viri tui. Et tu, Adame, quoniam, mo-rem gerens uxori tuæ, comedisti de arbore, cujus esu interdixeram tibi, habebis terram infœcundam tua culpa, & ex ea quæres victum laboriose, dum vives, cum interim ipsa procreabit tibi carduos & fentes. Tu vesceris herbis terra nascentibus, & cum sudore vultus parabis victum: donec redeas in terram, ex qua ortus es. Nam pulvis es, & in pulverem redibis.

SENTENTIA.

Ob unius hominis inobedientiam mors intravit in mundum. Discite puer obedientiam.

CAINVS. Genes. 4.

ARGVMENTVM.

DEVS Cainum damnat ob fratricidium.

Jova, Cainus.

Caine, a) ubi est Abel frater tuus? C, b) Nescio: nunquid ego sum custos fratris mei? *J.* Quid fecisti? Ipse sanguis fratris tui edit ad me clamorem de terra, quam ob rem uteris terra infesta, ut quæ aperto ore hauserit sanguinem fratris tui, de tua manu, ea non præbeat amplius vim suam tibi colenti. Tu errabis vagus per orbem terrarum. C. c) Mea culpa est major, quam ut possit remitti.

A 2

g) Prima promissio Messæ,

a) Primus homicida.

b) Deum frustra latere volunt impii, quem nihil latet.

c) Audacis facinoris comes desperatio.

remittere. En ego hodie exterminatus a te, ex ipso solo terrarum errabo vagus per orbem terrarum, fugiens tuum conspectum: ita, ut qui proximus invenerit me, interficiat. *Ʒ.* d) Imo vero quicumque interfecerit Cainum, subibit pœnam septupli. Quare apponam tibi hanc notam, ne, si quis incidit in te, perimat te.

SENTENTIA.

Injusti nequeunt ferre justos. Quæ clam perpetrantur, palam punientur.

LOTHVS. Gen. 18, 19.

ARGVMENTVM.

Abrahamus excipit Genios hospitio: & Jova ei prolem promittit, consiliumque suum de Sodomæ everfione patefacit. Idem facit deinde Lothus, & a Geniis eripitur ex periculo.

Abrahamus, Jova, Genii duo, Puer, Sara, Lothus, Uxor Lothi, Sodomitani.

Video tres homines adversum me. Non dubium est, quin sint defessi de via, præsertim hoc tanto æstu: quare curram ^{a)} eis obviam, ut retineam eos apud me. Domine! si vis facere mihi gratissimum, noli alio potius divertere, quam ad me. Lavabitis pedes paucula aqua adhibita, deinde requiescetes sub arbore. Ego interea curabo vobis parandum panem, ut recreetis animos vestros:

d) Hinc perpendendum est, quantopere abhorreat Deus ab homicidio.

a) Pii sunt ad benefaciendum veloces, & aliis benefacere beneficii loco ducunt.